

FORUM ONG TIMOR LESTE THE TIMOR LESTE NGO FORUM



Rua do Mercado Municipal, Díli Timor-Leste/ Mobile + 670 7799 9304, 7724 2717/ forumong.tl@gmail.com, timordiak@gmail.com/ <https://fongtil.org.tl/>

PARESER

GARANTE PARTISIPASAUN FETO IHA PROSESU DEZENVOLVIMENTU NASIONAL NO HALAKON FORMAS DISKRIMINASAUN HASORU FETO NO LABARIK FETO

IINTRODUSAUN.

Partisipasaun husi sosiedade sivíl importante tebes ba dezenvolvimentu nasional no sai nudar pilar importante ida hodi halo kontribuisaun atu aselera prosperidade ba povu no liu-liu aseguara dezenvolvimentu partisipativu. Hanesan iha Konstituisaun RDTL iha artigu 46, nù 1 fo dalan katak, *sidadaun ida-idak iha direitu atu participa, rasik ka ho nia representante eleitu tuir demokrasia, iha vida polítika no iha país nia asuntu polítiku*. Forum ONG Timor Leste (FONGTIL) kontinua nafatin fo nia kontribuisaun liu husi varias seitor hodi tulun Estadu atinje objetivu komun ba dezenvolvimentu sustentável no paz iha Timor-Leste.

Konstituisaun RDTL fo importánsia boõt hodi hatur iha artigu 17 katak, *Feto no Mane iha direitu no obrigaun hanesan iha vida familiár, kulturál, sosiál, ekonómika no polítika nia domínio hotu-hotu*. FONGTIL konsidera katak área importante ida mak protesau ba direitu feto no labarik feto, ho razaun sei iha problema barak hanesan diskriminasaun no menus partisipasaun ho dignu husi Ita nia Feton Sira iha Sosiedade nia le'et. Mosu nafatin problema diskriminasaun sira maibé Ita hotu presiza lembra nafatin iha artigu 16 Konstituisaun RDTL kona-ba Universalidade no Igualdade nebe hateten katak, *1. Sidadaun hotu-hotu hanesan iha lei nia oin, iha direitu hanesan no iha devér hanesan. 2. Ema ida labele hetan diskriminasaun tanba nia kór, rasa, estadu sivíl, seksu, orijen étnika, língua, pozisaun sosiál ka situasaun ekonómika, konviksaun polítika ka ideolójika, relijiaun, instrusaun ka kondisaun fízika ka mental*, no artigu 17 Konstituisaun RDTL kona-ba Igualdade ba Feto no Mane, hateten katak, *Feto no Mane iha direitu no obrigaun hanesan iha moris família, kulturál, sosiál, ekonómiku no polítiku nia laran*, Ida ne'e hatudu katak lei fo obrigaun ba Ita hotu atu halo esforsu hotu ne'ebé posivel atu Feto no Labarik Feto la merese ona atu hetan diskriminasaun no violénsia iha forma saida deit.

FORUM ONG TIMOR LESTE THE TIMOR LESTE NGO FORUM



Rua do Mercado Municipal, Díli Timor-Leste/ Mobile + 670 7799 9304, 7724 2717/ forumong.tl@gmail.com, timordiak@gmail.com/ <https://fongtil.org.tl/>

Feto mak sai we matan moris ba umanidade, paz no justisa, ida ne'e Ita bele hare liu husi knà sira iha vida diariamente katak, Feto hola pozisaun importante nudar Inan nebe fo moris no kuidadu Ita hotu to boèt, no dala barak Feto mak sai autor ba solusaun no dame tan Sira iha karisma boèt, laran maus no domin, tan neè asuntu Feto presiza sai sentru no prioridade nafatin iha setór oin-oin.

FONGTIL hanoin katak opiniaun no rekomendasaun sira ne'e labele hato'o mesak maibé importante atu iha forum sira hodi asegura katak idea sira mai husi serbisu hamutuk no hanoin kolektivu, ida ne'e hatudu mos unidade no partisipasaun ás husi parte oin-oin atu kontribui diak liu ba desenvolvimentu, ho konsiderasaun sira temi iha leten FONGTIL realiza Forum Dialogu ida iha 8 Outubru 2021 foin lalais hodi fo oportunidade ba parte relevante sira hato'o hanoin kona-ba asuntu feto ne'ebé foti ona pontu importante lubuk ida iha pareser no rekomendasaun sira iha dokumentu ne'e.

OBJETIVU.

Objetivu husi parser refere hanesan tuir mai;

1. Akumula pontu importante no preokupasaun prinsipál sira husi Dialogu refere, relaciona ho asuntu desenvolvimentu nasional ba Feto no Labarik Feto;
2. Kontribui ba desenvolvimentu inkluzivu no partisipativu;
3. Konsidera hanesan referénsia polítika nebe pertinente ba asuntu Feto no Labarik Feto ba Autoridade Kompetente Sira.

LEJISLASAUN BA ASUNTU FEMENINA.

Enkuadramentu legal (Nasional no Internasional) nebe Timor Leste Produz no Opta, ho fin hodi asegura ezisténsia Ema Feto no Labarik Feto iha Timor Leste, no baze legal hirak neè hanesan seguransa jurídiku hodi asegura Dever no Direitu Ema Feto no Labarik Feto iha Timor Leste.

1. Konstituisaun RDTL artigu 16, 17 no 21;
2. Lei Kontra Violénsia Doméstika (Lei nu. 7/2010);
3. Rezolusaun Parlamentu Nasionál Nu. 12/2010 kona-ba Orsamentu Sensivel ba Jéneru;
4. Rezolusaun Governu Nu. 35/2017 kona-ba Estabelesimentu Grupo Traballu Jéneru;
5. Konvensaun CEDAW;
6. Konvensaun ba Labarik (CRC).

FORUM ONG TIMOR LESTE THE TIMOR LESTE NGO FORUM



Rua do Mercado Municipal, Díli Timor-Leste/ Mobile + 670 7799 9304, 7724 2717/ forumong.tl@gmail.com, timordiak@gmail.com/ <https://fongtil.org.tl/>
PONTUS PRINSIPAL.

Liu husi apresentasaun iha forum dialogu refere detekta katak, varias esforsu maximu nebe halao husi Orgaun kompetentes hodi kontribui ba dezvoltamentu asuntu Feto no Labarik Feto, mezmu infrenta dezafius barak. Parte pozitivu balun nebe presiza foka atensaun hodi inspira Elementu hotu hanesan boa vontade Orgaun kompetente sira hodi estabese Baze Legal, Estabese Instituisaun no aloka rekursu. Apresentasaun husi SEII hatudu katak, iha terseira lejislatura to ohin lora Timor Leste atinje 38% husi representante Feto iha Parlamentu Nasional, Kompozisaun Membrus Oitavu Governu involve Ema Feto ho persentajen 16%, iha eleisaun suku tinan 2016 Xefe Suku Feto atinje 5%, no Xefe Aldeia atinje 4%, pozisaun Administradores Munisipiu Feto iha 8%, no Postu Administrativu Sira Feto iha 38% iha tinan 2021.

Husi dadus hirak nebe hakerek iha leten fo enfaze katak, Timor Leste presiza tebes diskute modalidade dezvoltamentu iha situasaun atual, bazeia ba faktus no dadus nebe iha, nune parte kompetente bele halo estimasaun ho diak ba intervensaun nebe ho qualidade husi Timor Leste bele foti iha futuro, relasiona ho asuntu dezvoltamentu ba Ema Feto no Labarik Feto. Numeru iha leten klaru katak sei iha influencia pozitivu hodi apoia ba kestaun sira kontra diskriminasaun hasoru Feto iha prosesu foti desizaun, maibe nia persentajen ne'e seidak boot, no importante tebes atu labele hare deit ba persentajen iha numeru, maibe presiza hare liu ba nia qualidade no rezultadu serbisu no mudansa pozitivu ba maluk Feto sira nia moris, tanba iha problema barak ne'ebe presiza asaun konkreta hodi lori mudansa.

Parte ida pozitivu tanba iha Parlamentu Nasional iha Grupo das Mulheres Parlamentares-GMPTL, nebe Ninia Prezidente participa mos iha dialogu ida ne'e, hodi hatan ba preokupasaun lubuk ida husi participante sira. Ita iha esperansa boot katak, Grupu ne'e sei tau atensaun makas ba asuntu dezvoltamentu feto. Participante sira husi Organizasaun oin-oin ne'ebe serbisu relasaun ba asuntu feto no labarik feto iha nivel Nasional no membru FONGTIL iha Munisipiu mos participa liu husi mekanizmu virtual-online meeting to remata, ne'e sinal katak asuntu Feto konsidera asuntu importante ba sira. Iha preokupasaun importante no pertinente lubuk mak Participante Sira foti iha dialogu refere, liga oinsa Ema hotu bele serbisu hamutuk hodi hamenus no halakon diskriminasaun ho forma oin-oin hasoru Ema Feto no kontribui diak

FORUM ONG TIMOR LESTE THE TIMOR LESTE NGO FORUM



Rua do Mercado Municipal, Díli Timor-Leste/ Mobile + 670 7799 9304, 7724 2717/ forumong.tl@gmail.com, timordiak@gmail.com/ <https://fongtl.org.tl/>
liu tan ba desenvolvimento ba asuntu Feto, no akumula ona pontu sira nebe presiza hetan

konsiderasaun no fo prioridade husi Orgaun competente sira iha rekomendasaun tuir mai neê.

REKOMENDASAUN.

1. Persiza alarga oportunidade no kapasita Ema Feto no Labarik Feto Timor, iha seitor Edukasaun, Ekonomia no Politika, hodi nunê bele hasae nùmero involvimentu Ema Feto iha desenvolvimento nasional ba Timor Leste iha futuro;
2. Timor Leste persiza ratifika Konvensaun Internasional kona ba Axedu Sexual no Violasaun iha Servisu Fatin (*C190 2019*), hodi garante seguransa no liberdade Trabalhadora iha servisu fatin;
3. Persiza estabelese Grupo Trabalho Cientificu, nebe involve expertu husi varias parte hanesan; Akademista, Peskizador/a, no OSC, hodi halo estudo ou peskizasaun nebe proprio, husi parte antropolojia no sosiolojia nivel Munisipál, para bele produs Teze Cientificu nebe konsidera hanesan kurrikulu nasional hodi fortifika politika Governu, iha asuntu protesau no garante Direitu ho Dever Ema Feto no Labarik Feto iha Timor Leste;
4. Persiza konstruir infraestrutura proprio (UMA MAHON) iha kada nivel Munisipál no Postu Administrativu, hodi responde kazu emerjensia hasoru Ema Feto no Labarik Feto;
5. Persiza konstruir infraestrutura proprio (UMA DIAK) ba Ema Feto no Labarik Feto Sira nebe ho kondisaun defisiénsia, para bele hetan tratamentu nebe adekua no digna ba Sira, tamba *de facto* Ema Feto no Labarik Feto ho kondisaun defisiénsia sai alvu ba Ema iresponsabilidade Sira ninia nesesidade biolojica;
6. Persiza halao public education ba Komuidade no Escola (Primária, Pre-Sekundária, Ensino Sekundária no Ensino Superior) kona ba efeito husi Sexu Livre/Free Sex, nebe ninia rezultadu final resulta, Gravida menór idade, Gravida antes kazamentu, Forma família infantíl_frazilidade no Soe Bebé;

FORUM ONG TIMOR LESTE THE TIMOR LESTE NGO FORUM



Rua do Mercado Municipal, Díli Timor-Leste/ Mobile + 670 7799 9304, 7724 2717/ forumong.tl@gmail.com, timordiak@gmail.com/ <https://fongtil.org.tl/>
KONKLUZAUN.

Asuntu de desenvolvimento no involvimentu Feto Timor iha Politika de desenvolvimento nasional sei menus, e kestaun refere rezulta husi varias parte hanesan, Edukasaun, Kultura, Ekonomia, Ema Timor jerálmente sei moris ho paradigma katak, Mane nudar Superior ba Feto, no hanoin ida neè grosu tebes iha Sosiedade nia leèt tantu iha Remotas no Kapitál. Esforsu barak Orgaun Soberanu halao no hetan kooperasaun ofisiál husi Komuidade Internasional (Ajénsia no NGO Internasional) no Organizasaun Sosiedade Civil rasik, maibe esforsu hirak neè la hatudu mudansa signifkante hodi eleva Ema Feto ninia partisipasaun iha vida sosio, ekonomia no kultura. Neè duni pareser ida neè nudar hanoin koletivu hirak nebe konsolida liu husi Forum Dialogu, no utiliza hanesan referénsia sekundária iha nivel nasional, nebe empoen husi Organizasaun Sosiedade Civil ba desenvolvimento nasional Timor Leste, especialmente ba iha seitor Protesaun_Garante Dever no Direito ba Ema Feto no Labarik Feto.

FINAL.

Produsaun Pareser ida neè bazeia ba diskusaun nebe kompoen, informasaun, ideas, kritikas no rekomendasaun husi Partisipantes nebe participa iha Forum Dialogu refere, no mos opta referénsia balun nebe ezisti e valida iha Organizasaun Nasoens Unidas. Iha parte seluk produsaun husi pareser ida neè hodi justifika katak, los duni iha Diskusaun Multilateral entre Orgaun Lejislativu, Orgaun Ezekutivu, Ajénsia Internasional Organizasaun Sosiedade Civil, nebe kontinua hatudu nafatin komitmentu hodi halo komunikasaun ba asuntu nebe konsidera hanesan Preokupasaun Nasional. Neè sinal nebe diak katak, Estado Timor Leste totálmente implementa prinsipiu Demokrasia no ninia rezultadu mak hodi garante Boa Governasaun.

FONGTIL, 15 de Outubru 2021.

Daniel Santos do Carmo
Direitor Ezekutivu FONGTIL